

桐江續集

六

卷一

江

表

集

卷二

江

表

集

卷三

江

詳校官中書臣孫溶

主事臣呂雲棟覆勘

總校官庶吉士臣倉聖脉

校對官典簿臣劉景岳

謄錄監生臣林大本

欽定四庫全書

桐江續集卷十三

元方回撰

次韻仇仁近梅雨

客心何日渡桑乾
瑣瑣良難雨更難
途潦家家踰戶限
簷聲夜夜過更闌
歸舟屢阻千灘漲
暑簟頻驚五月寒
會許燈花報晴信
書帷新照玉蟲丹

苦雨行

并序

丁亥五月初三日夏至雨已月餘初四五六粗

晴初七夜復大雨至十三日晝夜不止初六米
價十二券初十至十七券十二至二十券市絕
糴民初爭食麵尋亦無之

泥汚后土踰月餘四月雨至五月初七日七夜復不止
錢王舊城市無米城中之民不饑死亦恐城外盜賊起
東鄰高樓吹玉笙前呵大馬方橫行委巷比門絕朝飮
酒壚日征七百萬

十貫為萬錢

雨不已

空階日夜梅霖滴滴碎人心未肯休山郡城沉遙可駭
水鄉田沒更勝憂民饑盜起關時事米盡薪殫滯客樓
燕玉誰家政微醉倚欄撩鬢插紅榴

壬子年嚴陵水冒城予往來十二年

幸無水近聞梅漲入城深八尺

後苦雨行

五月十四日為雨八晝夜三橋官河水溢登街
予數日不下樓糴於市則無借於人不答

七晝夜雨可已否五更屋角萬馬走擊碎屋瓦如拳然

三橋街中人乘船五斗陳米已萬錢糴且無之矧借旃
一簷十蛛不成網億萬萬喙饑可想乘夜飛蟲蚊愈多
蘇湖秀州秧奈何

續苦雨行二首

雨遂至九日得米一斗鄰翁為告糴夜密致之
恐群輩攘劫也

龍至六爻為亢龍三三為九其數窮三日為霖今九日
便晴田事亦無及全吳富庶推第一誰信杭州無米糴

鄰翁耳語某所有夜持布囊分一斗老夫但笑不敢嗔
堯九年水無饑民

憶昔壬午杭火時焚戶四萬七千奇歟死暍死橫道路
所幸米平民不饑火災而止猶自可大雨水災甚於火
海化桑田田復海龍妬僂蟲規作醢定嗔網罟欲取償
稍借人充魚鱉餒

再用雨不已韻答仁近

良苗所至已沈沒寄語雲師盍少休暮境豈堪逢歲惡

腐儒可但為身憂敗墻蛇出頻穿戶濕柱蝸升欲上樓

擬問鄰酤破岑寂督郵聞說酢如榴

蛇出寓屋之主人家

唐閣門從龍挽詩三首

除布何飄驟債亡足敗傷寧歌紫芝曲自老白雲鄉兵

息潢池弄書全屋壁藏銘碑端不愧今代蔡中郎

文樞為銘

兒子與門生東籬憶送迎吾雖愧光祿獨幸識淵明愛

酒終成疾工詩早得名晁家雞肋集已足繼新城

予甲申嘗

訪公

異日煙霄夢終身水竹居
早交天下士盡讀世間書
漢祚金刀末江流玉樹餘
興亡較功罪元不涉樵漁

次韻仇仁近暑中二首

初減官河幾許深
向來惟恐百城沈
晴堦近喜收簷滴
暑屋殊嫌乏樹陰
妾婦齒牙工鬪閱
比鄰瘡癘厭呻吟
懸知壯士無顏色
賴有同心可斷金

瞬息涼炎代謝頻
沉冥自養靜中身
讀書快意如抓痒
得句言懷當寫真
幸不與聞當世事
可須常作半途人

忽思秦漢干戈際商嶺猶堪避戰塵

鮮于伯幾舉近詩有一官屢厄黃楊閨之句忘其
全聯因賦呈之

與世相違已背馳樽前各舉近吟詩一官屢厄黃楊閨
萬卷難充畫餅饑浪說炎蒸今可畏懸知揺落即堪悲
山潛澗蟄吾當去自有髯侯奮迅時

種稗歎

農田插秧綠時稻中有稗農未知稻苗欲秀稗先出

拔稗飼牛唯恐遲今年
剡西田沒水却向剡東糴稗子
一斗稗子價幾何已直去年三斗米
天災使然贗勝真
焉得世間無稗人

湖上晚歸

此身閒一日足使百憂忘
城外天能大山中地許涼
喧呼經妓舫寂靜憶僧房
薄暮歸窮巷誰家正絕糧

立秋

六月十九日

斗杓忽又指西樓
我獨何為此滯留
多事心情人轉老

荒城風雨夜爭秋一蓑屢費漁樵夢杯酒難消宇宙愁
好趁微涼便歸去豆花籬落荻花洲

立秋病中再賦

亂蜚號蟬孰賞音汝吟豈似我能吟風聲雨氣涼秋夜
世故時情病客心爛醉無求甘老死菊花有約合山林
一庵異日歸何處萬疊寒雲未覺深

旅悶十首

併序

五月中旬至六月下旬糴絕物貴身病窮極然

所感不止是而已為旅悶詩十首

病恐醫難謝貧驚糴愈昂未甘頻餌藥只欲暫休糧暑
殆無涼處饑容有熟鄉歸歟謀藿食不敢畏秋陽

久閒仍久客焉敢罪奴僮竈下橫蛇蛻門前積馬通分
衣猶惡敝徹饌即聞空兒子扶行好秋溪望乃翁

舊觀繁華絕餘風巧偽滋人窮何不至俗薄故堪嗤敝
帚猶艱借勞薪自暗炊扶搖九萬里遥謝庶風雌
彼姝復此粲人面外堪看鸚鵡雖能語芙蓉豈耐寒舌

甜元可畏背毀更多端昵昵徒為耳雲龍許控搏

吟窗委巷間四顧盡塵闌屋角繞孤樹樓西僅遠山羣
饑烏謾噪高舉鵠容攀夜靜看星斗秋風喜漸還

年饑身復病食盡藥無良此老何其窘於詩自不妨暑
牕從紙破晴井放繩長稍覺愁眉展初秋夜欲涼

運啓奎占瑞途殫彗告危晚生違盛際後死值衰期何
啻三歸備寧虞九鼎移焉知專夜妾竟孕別人兒

西湖西畔路死魅復游魂早作千年調能容一尺渾國

刑修已怨王爵報私恩縱許留遺孽終無令子孫

升沉元有命不在巧謀身政使魁廷彥無能位諫臣一

時儕惡黨百世號憐人所得都能幾風花瞬息春

予廷對為

首賈相易之兩除
言路王相格之

浩浩觀今古憧憧角利名學如未聞道死似不曾生瑣
碎禽蟲語芳鮮草樹榮過時隨變滅歷代幾公卿

望湖

湧金樓下路小艇尚堪呼哀疾吾如此湖山了不殊興